



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt XXIV. Instat Aleander, vt Edictum Caesareum contra Lutherum promulgetur: & quae in Aula, populisque Germaniae, animi fuerit affectio.

urn:nbn:de:hbz:466:1-11642

Principes, tam Ecclesiasticos quam profanos. Quod si hoc ipsum doctrinam non euerit funditus, certe debilitat. Quam pariter ratione quicumque Principum facinorosos, si è toto terrarum Orbe nequeat exturbare, nec bonis omnibus interdicere, non idcirco desinit in exilium pellere è sua ditione, ac bonis exuere quibus inibi fruebantur.

¹⁴ Quod autem lenitate potius quam asperitate fuisset opus, mendosum sophisma erat. Conducit profectò lenitas, ut placetur quispiam, reconcilietur, eaque tribuat beneficia, que sibi magno detrimento futura non sint: at vero nihil confert, ut quis extremo suo malo consentiat, quale est infamia. Ad hæc mala ferè nemo nisi per vim adducitur; adeoque omnis eos adducendi spes in vi est reponenda. Iam res Lutheri eò deuenerat, vbi auctoritas Pontificia, Fidesque Catholica salua esse non posset, nisi Lutherus à suis veneratoribus agnoscetur & hereticus, & deceptor, & sacrilegus. At sanè id quod illi contingebat, iis pro portione contigisset, qui lingua seu calamo ipsum publice defendissent. Quamquam autem eam ignominiam apud mortales tolerare, fuisset iisdem verè conducibile ad æternam beatitudinem consequendam; iam tamen in comperto erat, hominibus adeò perditis non esse oculos, quibus quidquam supra terram aspicerent. Quare, si remedia mordacia produbuis habebantur, lenientia sine dubio inutilia prænoscebantur.

CAPVT XXIV.

Instat Aleander, ut Edictum Cæsareum contra Lutherum promulgetur: Et que in Aula, populisque Germaniae, animi fuerit affectio.

Hi tamen ignes vsui quidem erant; sed non satis ad expurgandum aërem Germaniæ iam tabificum. Paucis in urbibus accendebantur, ibique etiam ut satis essent ad simpliciores commouendos, ad corrigendos improbos non valebant. Etsi bene cesserant ad bibliopolas deterrendos, ne tam execranda volumina ipsi haberent, aliisque diuenderent; parum tamen obtinebant virium, ad eadem extrahenda è domibus potentiorum ac nobilium, quorum alij factionis gratiâ, curiositatis alij apud se retinebant. Nullum potentius occurrebat medicamentum, quam Cæsaris Edictum in caput & in scripta Lutheri. Hoc enim efficit in Germania, sicuti apud veteres fulmen, ut quicumque eo tactus, horrore sit omnibus.

Pars I.

M

nibus.



1520. nibus. Sed initio illud impetrari non poterat, nondum Coronā de more Aquisgrani Cæsari impositā; cum ante solennem illius susceptionem, nulli Cæsarum sit in more huiusmodi Decreta edere. Postea verò itinera, comitatis officia, & moles curarum, in eo rerum æstu magis vrgentium, nullum huic tractationi aditum laxarunt. Substitut postremò Carolus Wormatiæ, quod Generalem Ordinum Conuentum indixit. Ibi verò cœpit Aleander rem promouere.

Istam benè affectum Cæsarem nactus est, ut ad Mediceum Cardinalem scriperit, à mille planè annis sincerioris rectiorisque mentis eo neminem extitisse. Dum autem obices refert, in quos ipse Aleander incurrebat, & de quibus postea dicemus, noto Luueni carmine leuiter in rem suam immutato, ait:

Et spes & ratio vincendi in Cæsare tantum.

Nihilominus certum erat, haud euenterum fuisse, vt Carolus, negotiis adeoque Imperio nouus, impelleretur ad telum illud vibrandum (quod venerabilius, eò parcius educendum) in factionem immensam, tutelisque amplè munitam, absque Consulorum iudicio, Principumque consensu. Amborum igitur mentem Aleander explorauit.

Summè erant apud Carolum auctoritate, in rebus ad pietatem pertinentibus, Ioannes Glapion, ex Ordine Franciscano; in rebus ad politicam gubernationem spectantibus, Carolus Guillelmus nobilis Belga, ab oppido suæ ditionis Ceurius dictus. Alter illi adest à Confessionibus, adeoque ex consueta Hispaniae pietate, in qua fuerat Carolus educatus, plurimum apud ipsum valebat in deliberationibus illius fori: alter, eundem à puero instruxerat; unde potius à Carolo obseruabatur, vt pater, quam adhibebatur vt minister. Conspirabat cum Ceurio Mercurinus Gattinara, summus Cancellarius, cui Cæsar postea Vaticanam Purpuram obtinuit.

Glapion itaque tametli alias animum non vsquequaque Romanae Curiae addictum præ se gessisset, id tamen temporis aliter se affectum ostendebat, benignis officiis recens à Pontifice delinuit. Et sanè in eo toto negotio singulare probitatis ardorisque specimen dedit. Cum præcipuis hæresis fautoribus priuatos magni cum fructu congresus habuit: Cæsaris Confiliarios quæ repentes inflammavit, quæ perplexè cunctantes extimulauit. Neque id effecit, vt nonnumquam visuerit, ostentato quadam Religionis studio, quod magis præferat potentiaz speciem, quam conscientiz sanctitatem: imò in eiusdem seuera Instituti sui custodia, cum obse-

obsequentiissima subiectione Pontifici, eluxit pietas demissionis tenuax, sive Ordinis agnomini consentanea.

5 Ceurius veterem Religionem in animo quidem constantissimè tuebatur; sed ut Politicis negotiis intentus, studebat aliquid in iis emolumenti eadē operā conquirere. Quapropter, quasi ex ore sibi excidisset, auditus quandoque dicere, Cæsarem ita se gesturum erga Pontificem, ut se Pontifex erga Cæsarem gereret, nec ipsius amulius opem ferret: quibus verbis Rex Galliæ haud ambiguè signabatur.

6 Hæc à Ceurio per conditionem oblata supra modum Aleandri animum angebant offendebantque, quod in dubium vocarent euentum, cuius desiderio conflagrabat, suspicionemque iniicerent, deliberationes ad Fidei patrocinium attinentes humani commodi trutinā expensum iri. Sed ea müssitabat Ceurius, quod rem Cæsaris promoueret; satis aliqui gnarus, etiam si Pontifex Cæsarem desertiſſet, non idcirco deferendam illi Religionem, quam tueri par est ipsius Dei, non eius Vicarij tunc gubernantis gratiā; & cuius desertio, vel ex humana ratione, futura effet quoddam vltioris genus, ipſi vltori maximè perniciosum. Lentius etiam agebat Ceurius, opportunitatem opperiens, quā rem prosequeretur, quando simul reliqueret omnis grauior Germanorum offensio; ne sub Imperij suscepit primordia à Cæſare abalienati, frigescerent in supeditando subſidio, quod illi pollicebantur, tam ad bella quam ad Romanum iter ut Coronam capereret.

7 Optimates Hispani, non Ecclesiastici modò, sed etiam profani, ad excidium nouæ hæresis flagrantissime cerebantur; eorumque Princeps Fredericus Alba Dux, quoties his de rebus sermo incidebat, videbatur aliquando furentibus modis agitari, & extra se impetu pietatis exilire. At contrarius animi habitus apparebat in mercatoribus Hispanis, aliisque Maurorum stirpe prognatis. Hinamque palam pro Lutherlo loquebantur, cuius Opera Hispanicè reddita Antuerpiæ iam fuerant impressa. Huius rei causa, sed latens, eaerat, quod Lutherus negabat, fas esse quemquam capite plecti nomine Religionis; atque ita iniustas declarabat eas flamas, quibus Hispanum Tribunal Fidei Quæſitorum sèpius illorum prosapiæ homines punierat.

8 Hispaniæ Senatus, & Ioannes Lusitanæ Rex, sanguine & amicitia coniunctus Carolo, per Nuntios ad id destinatos vehementer illum concitarunt ad hæresis euersionem: tametsi Minister Lusitanus post aliquot menſes primū aduenerit.

1520.

Sed rei summa in Germanis erat, in quorum regione consilia & ineunda, & ad exitum perducenda erant: inter quos non solum Purpurati Patres, qui erant, Moguntinus Septemuir, Guillelmus Iacobus Croius Episcopus Cameracensis, idemque Archiepiscopus Toletanus, Ceurij fratrī filius, qui in ipso ætatis flore præpostera morte illic obiit, Matthæus Langius Gurgenis, Archiepiscopus Salisburgensis, & Matthæus Schineius, Episcopus Seduncensis; sed etiam Archiepiscopi Septemuirii, aliquæ Antistites in primis conspicui, cauæ Catholicae aperte studebant, & cum iis Ioachimus Septemuir Brandenburgicus, Moguntini frater, & alij Principes ac Dynastæ. Contra, Lutheri partes tuebantur non solum Saxonie Septemuir, sed etiam Ludouicus Septemuir Palatinus, Romano Pontifici grauiter indignatus, quod Romæ certa quædam immunitas tributa fuerat laicis Ratisponensibus, à jurisdictione Ioannis Episcopi illius vrbis, ac Septemuirii fratrī.

Ita factio[n]es dissidebant. Adeoque præpollebat in Optimatibus, atque in Consiliariis propensiō ad haeresim diuellendam: omnes tamen metus incesserat ex plausu, quem sibi Lutherus excitauerat apud multitudinem, quæ infimis atque mediocribus constat in quacumque classe mortalium: nam maxima tandem multitudini est in terris potentia. Apud turbam pauperum nobilium summam illę gratiam obtinebat, præsertim operā Ulrici Hutteni, claro generati, qui variā literaturā, facundiā, efficaciā, populique benevolentia præpotens, postrem illectus splendore illarum inauratarum vocum *Libertatis, ac morum emendationis*, supra Lutherum ipsum Lutheranus euaserat. Atque ut nobilitas inops, honore simul & indigentia vniuersè compulsa, prior est ad seditionem ciendam aduersum ditiores, inhiabant hi nobiles illis diuitiis, quas maiorum pietas Ecclesiæ tradiderat, & sibi quisque, ut accidit, opimam inde manubiarum partem pollicebatur. Ad eos plebeculae vulgus accedebat iisdem ferè de causis, & quod huius volubilitati semper placent noua consilia, ac potentiorum depressio.

Grammatici, & humanis literis dediti, quibus abundabat Germania, Lutheru[m] militabant sub Erafimi vexillo, ob rationes capite superiori relatas. Eodem confluabant infimæ nocte causidici, ac leguleij, seu quod eius doctrinæ quam profitebantur ignari, Doctorumque titulo ad obeunda in suis patriis munia contenti, gaudebant à Lutheri flammis absumi magna ex parte illa volumina, quorum intelligentiam, quæ verè carebant, sibi comparare debuerint; seu potius eâ disciplinâ leuiter tineti, valebant quidem ad capias

piendas difficultates à Luthero populariter obiectas legibus Pontificiis, non verò ad easdem dissoluendas, quibus propterea irretiti succumbebant. In Clero consimilis inerat discordia inter summos & infimos. Ecclesiasticorum rectores Lutherum impugnabant: at inferiores Ecclesiastici sustinebant; quippe qui indocti iuxta ac moribus corrupti, auebant falsitatis insimulari eam doctrinam quam ignorabant, atque irritas reiici eam Ecclesiæ leges, quas ipsi violabant.

¹² Tandem augescebat Lutherorum factio multorum Regularium utriusque sexus accessione. Aliis odio erat Dominicanorum potentia, quibuscum simultatem exercebat Lutherus: sed pars multò maxima libertatis libidine ducebatur; quemadmodum compediti remiges facile cum eo conspirant, qui quocumque conflato tumultu illos à transtris exoluit. Hæ omnes hominum conditio-
nes petulanter atrociterque grassantium, ut in vulgi seditionibus contingit, metum cuilibet incutiebant. Quapropter non Aleander modo sensit identidem se capitis periclitari, & cum Cæsare iter faciens, neminem naectus qui auderet ipsum excipere, ad vilia sor-
didaque hospitia ægræ diuertit: sed de ipso Cæsare inermi, atque inter Germanorum manus agente, quandoque dubitatum est, ne ab Huttenu eiusque assecis opprimeretur. Adeò se debilem prodit, cùm res vrget, ea Regum potentia, quæ vulgo tamquam omnipotens deprædicatur.

C A P V T XXV.

Aleandri sedulitas, quò Cesareum Edictum obtineat. Ad id
obstacula. Eius concio trium horarum de hac re
ad Generalem Conuentum.

Tribus potissimum rebus viam sibi parare aggressus est Aleander. Prima fuit, diploma Romæ deposcere (quod postea tertia Ianuarij datum fuit) ybi Lutherus non sub condicione, si contumax persistisset, vt prius in altero, sed absolute, quando dies iam dicta præterierat, pronuntiaretur hereticus; non tamen ibi nominaretur Huttenus, aliyé illius factionis. Huiusmodi enim diploma simul eripiebat e manibus fauentium Luthero clypeum illum erga rudiores, quod is nondum ad eam diem ab Ecclesia fuisse absolutè damnatus; simul parcens nominibus eiusdem assecularum, nec ipsos poterat stimulare, nec eisdem obtendere titulum ad vlciscendam ignominiam contra Pontificios admini-

M 3 stros,

